

江左校士錄

利

司馬徽坐龐統於桑樹下共語至夜賦

以南州冠冕由是漸顯為韻

科覆通州屬古學二名 周階榮通州

範銅高行。霏玉清談。徽誠偉士。統亦奇男。譬彼桑桑。已具百園之象。相將藉草。偶停伍舉之驂。綠樽博而相契。乃妮
媿以徐參。不愁絮語零星。或詞鋒之再北。又見花叢片月。與斗柄而俱南。惟德操湛深。有度清雅。無傷風工物色。羣
仰矯修。矯矯使君。每紆駕而促膝。英英公子。亦登堂而叩頭。然猶謂常麟徒盛。凡馬空稠。除非老友。龐公逕趨吾舍。
安得少年葛亮。坐論神州。而士元挾風雲之光景。富河洛之波瀾。值季漢之馳驅。處州壤而泥蟠。或出入荊州。遠聆
金玉。或追隨臣叔。藉奉杯盤。究之龍門天際。馬帳雲端。縱懷刺投君。想像把林間之盞。恐鋤園謝客。嫌疑等李下之
冠。豈不以徽也者。鳳德未彰。龍韜暫卷。枯槁樂其吹噓。沈淪榮其睇眄。得林宗一顧。子師之驥足方舒。被元禮數言。
公孝之鴻名大顯。矧襄陽為劉表厲州。而昭烈乃睹侯高。避不識英雄。誰是度升堂而親受權衡。儻客晨夕相依。安
斗室而何知軒冕。果也修弟子禮。從先生遊。一則願鞠躬而進謁。一則許同氣之相求。於時赤日舒曜。青穹洗秋。樹
靄如滴。桑陰自流。牆下青蓮。比蕭曹於魏園。城南綠幕。殊豐繹於秦樓。書生縱守括囊。幸許回眸。下矚奴子。不妨岸
幘。豈真覲面無由。蓋采桑聊溷於園人。撰杖不慚於鄉士。彼非門峻如山。此則心澄似水。偶然駐舍。豈翳桑之客相
逢。大始讀書。有秋樹之根可倘。俄馬曜景藏輝。繁星綴綺。洗耳而一詞莫贊。敢云賜也。何如論心。而三宿難窮。早信
公非亡是。當此之時。薄海雲昏。中原霧斂。山樊則晦夜自甘。窟穴則泥塗暫染。然而英諳姚聲。偉人舒鱗。矧家譽之
爭傳。洵時名之難掩。徐元直固眼中勝侶。早聞駿骨絕倫。傅公梯為足下知音。料信鳳雛非忝。所以微風時過。野蠶
之墮不驚。竟日忘疲。顧免之生已漸。得不談者。斷斷述之。齟齬一朝。而價重鄉邦。衆論而推為壇墠。則是一見也。恍

兼金之初受陶甄等良玉之甫經雕篆異觀貌後生之聽斯人故自不凡此童童真主之祥此樹也期勿剪為記空山拄杖芳名之飲如斯待看好友連牀霸略之談逾顯也

氣體高華風骨道上情發蘭石生自蘗芬

七州洋賦有序

甄別南菁書院超等二名 楊 模 無錫

案七州洋在廣東瓊州之西南交趾之西為中西舶道出南洋必經之路考徐松龕瀛寰志略謂其中浩渺一水無島嶼可認偏東則犯萬里長沙千里石塘偏西則溜入廣南灣其地形如半月海水趨灣勢甚急無西風不得出故紅毛人以望見廣南山為屬禁又云紅毛人最畏越南其人善泅能背竹筒負細縷沒水釘於船底還登小舟遠牽曳之俟攔淺乃火其舟又越南人造小舟名軌船能攻夾板然試驗之皆不確惟其形勢險阻實為兩粵交趾之屏蔽然自輪舶東駛以來昔之天險皆已化為夷塗前歲佛郎構釁越裳肇冠禍氛之惡驟尋及乎瓊雷中朝海函地負慎惜民命而夷德無厭左將負其水草之性矜其爪牙之利覲隙乘便以狙擊我援越之眾故粵西出師皆由鎮南關陸路進屯北甯而未嘗有縱一卒發一艇以涉南海者夫以南離巨壑重溟天險乃為犬羊所窟宅固兩之塗徑拱默抑塞坐視敵艦之從橫莫之誰何此亦卿大夫之恥矣憶辛巳壬午歲模嘗客游粵東縱觀時局竊痛越南以積弱之勢當方張之威難以劉園之勇略滇桂兩軍之聲援未嘗不戰勝擒渠以挫其鋒然而河內南定奈台接踵淪陷未嘗見尺土之復昔夷使倡畫紅江之議中朝所未允者且不能復施於今恤緯之憂每至流涕方今朝廷揚厲武節疆吏整防固圉滇桂督撫各出重兵以鎮藩服誠於此時肅將天威破狂虜之膽伸積年之憤則七洲洋豈非盪寇之戰場決勝之樞紐哉書生談兵何裨大局然不能自默述勢鳴憤作是賦云其詞曰 繫昔成

周之隆。越裳來王。德漸海而遠被。澤跨嶺而遐翔。醴化斟雕題之俗。離照炳明都之光。鼉鼉之穴。永靖蛟鱷之波。不揚穹龜長魚。不登於俎。象犀瑇瑁。不升於堂。其雲飛浪泊於南海者。惟有裸國垂縿之民。鉸室負琛之槿。旋螺之船。潛伏捕鯨之網。宏張信乎為朱維之巨。浸南紀之提綱也。迨夫漢武雄馭樓船。靈走蠻夷之長崩。厥角方圮之相碎。厥首日南交趾。歸命尉候。自唐宋以迄有明。雖變亂之時有。而其列版圖而奉正朔者。固歷數十載而共戴我后。惜乎銅頭與暴之年。玉斧畫疆而後。而此冠裳禮樂之邦。遂化為鱗介波濤之藪。原夫七州洋者。天吳之所宮。祝融之所都。珠崖北峙。以武布廣。南西踞而翼舒。有萬里長沙。以扼其阻。有千里石塘。以繫其樞。漁舟估舶。數更記鼓。負風而爭趨。則有尾箭之鳥。導引行舟。紅味而綠跌。西則急溜遊洞。半月之灣。不風伯之助順。乃有去而無還。洵天南之雄壑。屹虎豹以當關。況乎海濱之夫狎水。善泗負竹筒。與細縷。出大火以燔舟。亦有軋船製窄。且修可絕其臂。可衡其喉。故西船之不幸。望見廣南山者。莫不齒擊乎駭浪。膽落乎寒流。然而海有時而為田。陵有時而化谷。惟彼族之生心。作利器以爭逐。金木相銜。水火相搏。縮萬里於尺咫。渺滄海於一票。奚有泰西雄國。大秦遺族。地勢利於歐洲。異聞尊之海錄。以干盾為枕席。以殺戮為耕作。乃歷太平洋地。中海數萬里之遙。來踞西貢。以託足。既而形勢竊據。陰謀日滋。得寸得尺。無辭有辭。蠶食而傳之國都。鯨吞而撒我藩籬。方且倚島為城。開海為池。烽火徹於鎮南之關。羽檄達乎瓊崖之陸。蓋其眈眈而虎視者。尚不在乎南服之從違哉。皇上於是勃然興師。赫然命將。桂撫駐北甯。以當其衝。滇撫軍山西。以扼其吭。國軍忠勇義旗相向。荼火壯其兵容。金鐵鳴其甲仗。蓋將截飲江之馬。而摘拂狸。放采石之師。以誅金亮。燕猶虺毒紛吹。鯨牙高舉。巍巍走林之蛇。落落負嵎之虎。聯鐵為舟。飛丸作箭。船橫海以張樓。艦凌雲而築檣。蚊血沸乎寒濤。龍腥漫乎怪雨。萬蜃噓氣而障滄溟。六鼉奮頂以撼天柱。吾知驕敵者敗。佳兵

不祥。戈楯非可恃之器。攻擊非持久之方。水輝舟舟有時而覆。國恃險險有時而亡。夫以拿破崙之虎視六合。鷹擊八荒。容若山立。聲若雷浪。殺敵如薙草。馘酋似探囊。謂可混一歐洲。而襲其主矣。乃卒流荒島。以罹殃。况乎以不知之將。御孤立之兵。主客之勢異。曲直之義明。猶覆滄海。以沃熒炭。彎天弧而掃攬槍。將使帆飛柁折。舷裂檣傾。昆陽之雨。復擊於鯢壑。赤壁之火。重熾於滄瀛。則此七洲洋者。復歸於颶霧之不作。清瀧之不驚。豈非海若効順。陽侯援靈也哉。若乃長波翔躍於若水之表。稍雲回翳於扶桑之東。繡神旗於廣利之廟。沸大鼓於靈芝之宮。餐玉兮安期。合舞兮海童。木華之所詠歎。昌黎之所褒崇。皆略而不陳者。以其無關乎國計。而未足語泱泱之大風。作者痛心外侮之乘。故於歐洲形勢。洞若觀火。復馭以博大之氣。魁琦之思。厚集其力。成此鉅觀。洵足上追班張。俛視徐廣。

七洲洋賦

甄別南菁書院超第九名 李 安靜海

聖清恢拓區宇。通達混茫。開互市之往禁。徠殊廷於軒堂。自亞細亞西南而東。出彭亨息力而為疆。厥濛漫以東。注為神輿之南洋。粵東行省巡撫所治地。當最劇。督臣駐之。蓋自宣宗赫怒。命將詞夷。開幕府。

張旌旂。擴軌道。伸

皇威。增增於茲焉。西懸大海。實曰瓊州。東南抵乎浩渺。名厥洋乎七洲。吁。撼乾以蕩坤。故

南溟之咽喉。其險阻也。則長沙石塘。萬里千里。東犯左蠃。西觸右死。雲薄腫昏。天垂道咫。或終晝而干惕。亦窮宵而百起。徒觀夫瀾汗灑灑。嵯峨陵立。龍悅忽以呼吹。魚容裔而奔集。於斯之時。撫枕失倦。對盤忘粒。物相壓而駢累。人相藉而橫截。此交吁而悔遊。彼食終而哇急。雖善舟其若神。猶躊躇而徐入。碧趾朱喙。有鶯其禽。或名神鳥。或矢於翎。云振羽之所向。若指途而得鍼。豈海若之貴使。貺明靈於沈沈。昔在西漢孝武。英規雄姿。僉博德以聲討。平南粵。

以郡之鏤皮脩耳。產珠珠崖。後棄不屬。墮乎荒陲。珠官既建。仲謀不國。十縣載定。隨曜以蝕。雖唐域與宋寔終委渺。其無色達朝宗於吾皇。繫茲念之有德。內則富良南溪。越南藩邦。北界漠粵。鎮南宣光。厥都順化。崇墉金湯。東

南俯海。祿奈允章。鎮英蕃會。起乎南方。桂象鉛錫。沈楠。番香。矧粟粟於文物。又媿媿於賢王。率三歲而一貢。遣陪臣於天間。皇情嘉其懋懋。約續櫛於一匡。命道粵以陳筐。避駭危以湯湯。洵思百於卵翼。豈諸侯

之敷望。還羅叢爾。東錯越南。北接滇省。土宇潭潭。犀麋牛角。藤黃翠毛。豆蔻楓子。方經所高。金面佛服。象輦旂旄。靈符祕咒。夜叉諸天。大城刺部。黃金寶錢。簡簡曼谷。王都在焉。首道何繇。循乎茲川。發竹嶼而南指。越筆架與真。與觀

昆侖與鴨洲。攬玳瑁而神舉。關外羅之一拳。忽若迎而又拒。載皇靈於靡涯。何颺颺之乖序。若乃龍興初年。助文明。尊緬甸之功。國史所列。潞江怒流。腹滇而泄。達喇攸居。蒲甘屹嶺。東北距乎我滇。道如弦而豈折。繇是

以率循侯度。瞻望神京。自林馬膏軸。登降乎崔嵬之阻。蓋不四十日而抵乎昆明矣。其西南也。逾昆侖之埽埭。越茶盤之業峨。徂訶陵之所邑。撫滔蕩於其他。彼泰西之輪舶。率假道乎斯河。陟火燄而騁望。恆噓烟而鳴波。痛英

法之往毒。雖返地而不瘥。迤東則洛莫麻里。鴻洞瀾迪。松墨薩爾。池問佛理。又北則武羅西蘭。蘇洛安門。萬他德拿。火山熒昏。亞羅地門。侃佻野番。羣島雜沓。不可殫論。玉果毒冒。龍涎藤條。並順軌而徑達。又不勤乎迴遠。瓊州大郡

防禦隩區。帝命虎臣。討軍簡徒。將弁鯨而質鱣。豈天威之可逋。於是迺帽短服。黃睛虬鬚。佩寶星於胸際。勒金綬於袍裾。飲饘飽酪之輩。帶劍攜刀之徒。駕危艦。齎重輸。握遠鏡。紫海圖。覩七洲之洋。而怵怵兢兢者。蓋不知

幾夫焉。乃系以詩曰。鄴琅莽。民於皇時清。璚瑁往域。伊南之屏。有川沅瀆。天險是名。馬峙北屹。大星南嶺。崑屯拱揖。羣龍攸營。猥哉荷蘭。毒懷螫并。關龍不勝。歸船以傾。豈龍之力戴。皇之靈揚。船言遇天和日明。於鑠海甸。

瀾淪永平

數陳直言是為賦則託諷之指自在言表音節斷續尤為近古雅誦數過餘韻瑋然

七州洋賦

有序

甄別南菁書院特等一名 劉毓麟 府學

自越南之順化省地形折而東。粵瓊之萬州地形折而南。中為廣南灣。其表則七洲洋橫承下流。洪濤怒飈浮嶼無垠。蜚艇釣鐘縱盪於廣濶巨浸間。睇眙寡歡。惟循南澳沙內洋。岵嶺石塘而南。以達龍門七十二逕。泳游於瓊越間。始自得也。而歐西鐵艘則浮印度洋而東。轉巽他峽。越噶羅巴蘇門答臘島。望婆羅州。渡七洲洋。繞長沙石塘外游。取弓弦直洋。以達馬崎頭門。幾不知有洋之廣險也者。而瓊越間已無固可負。近者順化淪陷。妖氛邇市。崖僮刀斗日警。將舉七洲洋之廣且險者。而敵益恣其游決。非大創之於陸。使占城林邑故藩屬。彼盡率其種落西還。則越南久陷而瓊屬危。而七洲洋亦因之俱亡也。昔天竺山離安息入於歐西。而印度洋之利亡。迨南七洲洋。僅恃此區區瓊越。為其維繫耳。越沒而瓊亦警。舉南洋附近諸島之利。從此盡委之於敵。而執且駸駸窺我東北洋諸島。環亞州之全洋而跳擾之。豈祇覬覦南海之利已哉。籌防洋者。從而張我犀軍。艤艖雲騰。鱗鱗靈激。以與從事於七洲洋之閒。邇其情歸。赭梯流波。膊支喋鱣。戈鋌怒噴。火烈為飛。繡衣髡頭之氣。大燭稽徐麓冷之封。復完。庶天聲丕揚。炎徽永存。無如感之於洋。尚不如操之於陸之易為力。則仍俟廊摧越南。與瓊萬相犄角。始可徐收七洲南洋諸島之利也。夫洋之西有巽地峽。噶羅巴蘇門答臘。南有婆羅州。迤東有呂宋諸島。皆我可進取以收其利者也。鯁生不揣。爰剪之為賦。曰。沙石包絡。風濤萬千。激茶盤島。摩昆屯巔。瓊越之交。有洋在焉。夫其狂飈晦號。涌脈鼉沸。鼉睛熾波。蜃腥盪氣。日晶無光。霧集有賴。舟行其中。渺若一粟。飛滂撼舷。排湍駭軸。風檣奔旋。露橈僵轟。乃紆桂柁。止蘭航。罔

象避其閃。屍蛟鱗恣其迴翔。連山乍噓。吸涵川接。混茫海客。譚而色變者。曰七洲洋。艘艘西來。長波歛開。激軸走電。旋輪殷雷。魚龍怒立。峯巒驚顛。繞訶陵。越瓜哇。絕婆利。帶淳泥。指鉞吹角。測礮刻隄。重洋逕渡。逼粵之西。於是侵突。龍編。燭病。象郡。苟漏。蠶起。瀾滄。暑膏。朱戴。為之設屯。蒼梧從而轉。鉅密邇朱崖。峙洋之東。蠡倫漫地。狼烽徹空。葦洋而過。軍問交通。故以胡艦之所。研宕。番舶之所。維弭。賓幪大纛之富。珊瑚玉樹之美。棲陸沈沙。積瑋絢綺。罔利互市。狡逞無已。方今蕩平中原。廓清伊吾。受機日慧。旌麾雲湧。扶桑之水不騰。流沙之教遠徂。胡七洲洋。敢獨沸乎。南隅張我六師。命將萬里。新息據鞍。振武堅壘。喋血比景。伏戶潛水。微側授首。僧菴蔽耳。將乘長風。揮鉞戔東。鍛巫來西。藩哥羅馬神南庭。龍奈北摩。俾知中國有聖人。而七洲洋億萬禩不波。

於海疆形勢。瞭如指掌。又能留心時務。故下筆絕無影響之談。李作雍客揄揚鋪陳。極軌此作。兀傲恣肆。生面別開。一爪一鱗。已足令才人閣筆。

公慙卿卿。慙長賦。以慶基既啓。有蔚穎濱為韻。

甄別南菁書院超等一名 楊模 無錫

顓面何榮。折腰匪病。詩書自芬。閱徒競。不見夫東漢名門。潁川著姓。為虎為鼠。位不繫夫崇卑。一龍一蛇。祚以之為哀盛。仰稽祖德。昔則束帶事督郵。下考孫行。今則戕冠奉朝請。繩繩墜緒。若八龍之列。慈明翼翼。高軒彼萬石。非無建慶。仲弓潛德。當世令儀。休聲表於刺佐。淑志肇自童兒。轉功曹而豪強不避。補聞喜而微辟交施。楊太尉高官。自愧袁司徒。薦牘紛馳。豈知飾巾可以待老。懸車可以棲遲。黨籍將成。獨弔張讓之室。貞珉不朽。大書中郎之碑。蓋不過太邱一邑之長而已。樹子孫累代之基。厥嗣元方。名動時貴。紹家學之方隆。值黨禍之初沸。居喪滅性。思親悲落木之風。建議匡危。叱董厲橫刀之氣。以視太邱之遠耀國華。靜航道味。雖曰俯橋仰梓。樹德稍哀。究之蜀弟吳昆。

瓜。縣。靡。既。有。孫。曰。羣。載。傳。書。禮。授。冬。言。而。特。掌。樞。機。列。民。曹。而。分。揚。戰。榮。惜。乎。示。敬。霸。朝。拜。官。魏。郎。徒。熟。視。夫。破。壁。陵。君。燃。箕。迫。弟。砥。犢。戕。楊。賦。鸚。黜。禰。不。茹。首。山。之。薇。坐。耗。長。安。之。米。晚。節。既。見。其。凌。夷。清。流。益。騰。夫。訶。詆。華。子。魚。鉤。金。賣。國。且。將。聞。之。而。生。心。苟。文。若。絕。粒。捐。軀。不。免。對。之。而。額。泚。何。前。則。大。鳥。不。鳴。而。今。則。蜚。龍。思。啟。也。史。臣。於。是。商。榷。古。今。衡。量。前。後。孰。屈。而。華。孰。伸。而。疲。胡。心。之。高。胡。顏。之。厚。積。薪。居。上。人。誇。鐘。鼎。新。鐫。亮。節。無。涯。我。歡。箕。裘。已。垢。汗。青。千。秋。雌。黃。萬。口。老。成。凋。謝。問。素。履。而。胥。愆。後。進。軒。騰。曜。朱。輪。而。何。有。是。知。下。士。不。必。非。公。孤。哲。人。不。必。非。薄。尉。盜。名。者。服。茅。繡。而。猶。譏。尚。德。者。鄙。龍。章。而。自。貴。嘗。有。拾。芥。躋。榮。拔。茅。征。棠。一。世。抨。彈。羣。言。謗。誹。試。為。述。先。德。而。流。連。緬。宗。風。於。髣。髴。未。嘗。不。望。古。跌。踖。懷。人。歎。歎。垂。思。一。溉。之。禾。棲。心。再。春。之。卉。所。以。橘。有。時。而。變。枳。識。繼。起。之。難。期。龍。可。化。而。為。豬。詎。前。光。之。終。蔚。也。嗟。乎。世。事。累。棋。功。名。畫。餅。門。第。虛。聲。繁。華。泡。影。使。紀。也。方。德。淵。泉。羣。也。唾。榮。臺。省。荷。如。班。勇。承。規。而。一。索。延。芬。葉。比。孔。穿。續。舊。而。百。年。垂。穎。何。至。朋。舊。心。寒。高。明。齒。冷。對。父。書。而。空。讀。祇。陪。畫。象。於。州。城。懷。祖。硯。而。長。磨。莫。問。奉。羔。於。古。穎。士。有。奉。儒。林。為。圭。臬。湖。文。範。以。遵。循。慕。二。方。之。承。則。效。八。慈。之。繼。慶。抗。心。郭。李。之。列。奮。跡。尉。顧。之。倫。山。間。叢。丹。桂。之。聲。我。欲。求。之。世。外。穎。上。奏。白。榆。之。瑞。君。其。問。諸。水。濱。

史事爛熟於胸中才惟紛驅於腕下持論既能見其大選言亦務取其精拔冠羣篇良云無愧

公慙卿卿慙長賦以慶基既啓有蔚穎濱為韻

甄別南菁書院超等二名 李 安 靜 海

士有三世穹隆一門輝映德愔愔而不違祚隆隆而益盛石建乃中涓令子親拜侯封馮座為奉世文孫楚操魁柄然而時判隆污道乖欵正雖千里之河逾潤無忝承源譬再華之木必傷難言餘慶不見夫陳長文子以彼興宗騰譽偉表呈奇始受豫州之辟嗣蒙曹氏之知事操迄叡四十年功參帷幕由掾至公十餘級禮絕纓綬亦豈諫營宮

而作奏薦良士而為儀。屈而翁肩比之朋。奚啻堂稱克構。伸先子肉刑之說。雖言道本無基。豈知開府班崇。司空官貴。駸駸而步驟殊途。隱隱而酸鹹改味。以視紀之發憤著書。悲哀奉諱。兄弟清風。門庭和氣。董卓之酷。且慕其人。師本初之彊。猶讓為太尉。固已若小巫大巫之號。途次判然。亦幾同如軒如輕之車。歌興安。既且夫紀亦云佼佼矣。郡邑欽其崢嶸。豪疆畏其觸抵。鴻臚之拜。終辭。雁贄之羣。交禮。繫豈不粹然忠誠。亮哉孝悌。學足傳心。道能具體。圖畫附先生之末。躍躍名騰。星辰動本史之章。恢恢宇啟。而不知仲弓者。少值單寒。長遭擊撻。蕭閒解印之年。寥落飾巾之偶。卒也庶士。傾忱上公。拜手雖歷。官饒聞喜。太師二長。未足言尊。而當世如韓韶荀淑諸人。無能出右。中常侍幸承祭弔。胸中之見。可知大將軍數致慙。勳豪末之加。何有以紀視之。則宜其物論非望。人言足畏。顯識梓橋。明區涇渭。蓋仲弓道樹方萌。性承自澆。詩書蘊其瓊珍。功德裕其經緯。所以韋相用明。經播代迄。元成而漸兆熾昌。楊君以清節傳家。至伯獻而益臻。會爵也。往論夫紆組朝堂。臨珪臺省。榮甚嬰車。脫同遂穎。則分茅昌武。比璽書追拜而已。崇即晉秩中郎。較懷徽從公。而尤幸胡乃近對華簪。遠思修綆。讀三輔重遷之議。論時終媿初平。摹萬人刊立之碑。懷古益談箕穎。嗟夫。如長文者。封教之忠最卓。救時之策能伸。矧元方嘉聲夙著。至性尤醇。猶且望前修而仰愧。緬遺範而難循。而况軒車凡輩。冠帶常倫。即令父繼趙奢。重決勝秦韓之際。安得祖承甘茂。復書勳於汧渭之濱也哉。此課賦卷佳作。林立大都。皆從太邱說起。次元方次長文。雖倒敘未嘗不可。然於題之序次終嫌未合。此作如題。順敘中間略作騰挪。使不平行而相形之間。慙字亦出。且賦慙字處亦極有分際。與漸漸小減意最合。足稱出色當行。

公慙卿卿慙長賦

以慶基既啓有蔚穎濱為韻

甄別南菁書院超等七名 沈文翰奉興

昔東漢桓靈之際。軼麗才多。雲隆曹威。弟昆則龍子並稱。門第則貂冠日競。楊瓌寶錫。爭傳紆組於四公。孔鼎銘殘。誰慄循牆於三命。激幾輩當魁之禍。承家而淵軌何存。夸一時官爵之高。繼世而充閭徒慶。觥觥文範。太學名馳。並仕西門之長。縣車潁水之涓。聚天上德星。卻喜童孫置膝。聽屏前客語。笑看兒輩成糜。固宜爽齊二惠。後軼八慈。為表而應善厥工。矧經大治。作室而遠。因乃祖顧構堂基。况復位列鉅卿。名高太尉。紀也既邀譽於洛陽。羣也更蜚聲於曹魏。亦復綬若印。繫文經武緯。念子孫於老詩。守我清寒。識長者之家兒。從茲顯貴。豈似伏波弱息。奇俊刻畫而無成。幾同韋氏相臣。世澤綿延而靡既。然而綜論家聲。宜衡治禮。簪紱增其崇華。德業較其愷悌。元方既挫節於權豪。長文復詘身於潛邸。刊罷中郎牌版。應愧頭銜。讀殘陳子遺編。能無額泚。為憶而翁亮節。太邱之傳。頌猶存。須知諫疏高言。黨禁之憤。書攸啓。於是月旦斯真。品題非苟。雖門祚之遞增。詎前型之克守。拜名公於楊賜。當時已愧先登。較難弟於季方。猶子更慙非偶。擅沛國三君之號。惜標榜以徒虛。方濟南九世之才。問傳家而何有。第觀其族。邁金張學。逾施費。一則有司馬之英名。一則有元龍之豪氣。非不遠軼等倫。獨超品彙。豈知鴻臚魏赫。清嚴莫紹。夫喬鍛蟬珥。焜燿諸讓。幾虞夫爛胃。當日雁羔來贄。請看累葉之蒙麻。有人豚犬嗤公。漫謂才華之炳蔚。所由表潔山樊。唾榮臺省。譏倂矩矱。高曾。鄙垂傳於清節。惟先生德合天人。風清託清。謝顯官之我。我拭清臚之罔罔。論競爽亦云。二杜小冠。徒美夫文章。笑辭官不似兩疏。合志未偕。乎箕頴。洵乎鄉評足據。清議能伸。高山可仰。潛德罕論。亦猶吳虎。蜀龍。渺希縱於古詰。華頭管尾。難繼軌於先塵。徒令讀范史者。既太息於陽城之麓。復流連於潁水之濱也。

細意熨貼。才有餘位置。妥帖平不頗。其氣象亦復雍容華貴。

江南春賦 不限韻

甄別南書院超等一名 吳肇嘉如舉

盛矣哉。天地溫厚之氣之勃於東南也。故得殊靈萌動。茹和飲熙。草木甄阜。山川貢安。蓋其地之運也。以動方界乎。伏方故生意怒茁。及斗之東也。以天氣維乎土氣。故百卉作藎重以國家。料生斟元。楫爽牖夏。草喻浪度。澤乃王者。惟江南得氣之傲。被化之始。是以濡春縣宇。不先吳里。雖冬嚴與秋肅。胥挾續而和理。何況句芒司柄。青律載績。九市鱗次。崇墉瞰旭。於是士女言邁。波湧雲屬。調鶯於春穀城。西試馬於廣陵江。曲緝照載道。翠華經過。桃李媚於在御。恩波凍於太和。於是千官給札。太史摘華。族綢浪於一鏡。爛寶書於萬花。雲景麗爛。光於邇遐。爾乃豺虎造虐。羽檄星落。魚出兵欄。鵝飛東洛。遂乃綺摧羅削。奧前杏鑠。江氣陰於赤岸。春聲碎於丹嶠。昔之綠楊門巷。青旗城郭。與夫茂苑之瑤什。臺城之璿華。靡不珠墮。遂淵雲沈哀。靈是繕根實。後條枚。嘔生吹息。權真萌菱。回振乎地脈。滌黼乎皇裁。蓋不獨煦風江表。亦將永隕億兆於春臺。

命意獨高。製局亦古。段蓉離合處音節如出六朝人手。

至於犬馬皆能有養解

歲取蘇州閩屬經解一名 孫傳鳳 吳縣

論語為政篇。至於犬馬皆能有養。何晏集解。包曰。犬以守禦。馬以代勞。皆養人者。一曰。人之所養。乃至於犬馬不敬。則無以別。孟子曰。食而不愛。豕畜之愛。而不敬。獸畜之蒙。按後說。以犬馬喻父母。已辨見毛氏奇齡稽來篇。及翟氏灝考異。前說近人多從之。然以為犬守禦。馬代勞。則犬馬之有力於人。初無致養之意。聖言取譬之拙。終而解於朱子或問所疑。荀子子道篇。子路問於孔子曰。有人於此。夙興夜寐。耕耨樹藝。手足胼胝。以養其親。然而無之孝名。何也。孔子曰。意者身不敬與。辭不遜與。色不順與。如荀子云云。養當屬飲食供奉。下章亦以饌與服勞對。舉毛氏申服傳說未端。竊謂二說皆非也。犬馬當為概辭。孟子告子篇。若犬馬之與我。不同類也。焦氏循正義釋作鳥獸。此犬馬義與彼同。至於犬馬皆能有養。言至於禽獸皆能為養耳。有為一聲之轉。說見王氏引之。經傳釋詞。包注云。皆養人者。其意似亦訓為何解。始失之。邢昺疏云。皆能有以。

養人誤何以義中包劉氏寶楠正義止釋犬馬不及有字亦未見及於此犬馬以小名代大名猶雉兔鴻鵠以小名代大名孟子古書自有其例包氏不達乃失之毛氏引東晉補亡詩嗷嗷林鳥受哺于子翟氏引荀子樂辱篇乳燕不觸虎乳狗不遠游並與經旨相應惟牽於包說故僥得仍失劉氏寶樹經義說略據禮記坊記以犬馬為賤者之稱包氏慎言溫故錄又據內則謂是父母之犬馬俱屬意揣包說於上下文義不倫劉說展轉求合益不足辨矣

包說之疏何氏已見及之近人絀何申包其識又出何氏下矣作者可謂能自得師

決汝漢排淮泗而注之江解

歲試蘇州閩屬經解一名 孫傳鳳 吳縣

孟子滕文公篇決汝漢排淮泗而注之江朱子集注謂是記者之誤偶讀漫記云此但作文取其字數以足對偶云爾若以水路之實論之便有不通鄭樵六經奧論云吳夫差掘溝以通於晉江始有達淮之道孟子蓋指夫差所掘之溝以為禹故迹也蒙按禹貢沿于江海達於淮泗正江淮相通之證水經注淮水與泚水施水泄水合泄水注濡須口施水受肥東南流運合肥縣城又東注巢湖謂之施口方輿勝覽引合肥舊志肥水北支入淮南支入巢湖合爾雅歸異出同之說是江淮通流不必在吳王溝通之後墨子兼愛篇亦云南為江漢淮汝東流之注五湖之處墨子並不整齊句法而亦言淮泗東注則取字數足對偶之說亦未足為定論矣

地形北高南下懷襄之際淮水橫流旁注於江本無足疑後人蔽所習聞遂謂溝通江淮始自夫差夫差掘溝邦上後人猶及知之孟子何遽不知孫觀察作分江導淮論謂古時江淮別有通支之處其說至精且嚴作者證以墨子益明辨哲矣余嘗謂禹貢東迤北會于匯匯字與汝泗禮涇之例不合且匯在南不當言北疑匯乃淮之

者更可煩言而解自來解家未之道及諸生亦未有見及此者疑事母質漫書左簡以博異聞

子夏易傳考

科覆常州閩屬經解二名 季桂芬武進

子夏易傳本有四一韓嬰元本劉向父子所據漢書藝文志所稱易韓氏二篇者也一薛虞記本陸元朗孔穎達司馬貞所據晉中經簿錄及張璠所疑為丁寬作或駢臂子弓作者也一行纂本崔憬李鼎祚朱震所據宋國史志所云真子夏傳程迥趙汝楨所云京房為之箋者也一宋人偽撰本王堯臣孫坦諸人所據晁說之所云張弧之易陳振孫所云非漢世書亦非隋唐所傳書者也十八章偽本原附是書以行張弼解亦據此故不別出此四書惟偽本尚存餘俱亡佚朱氏彙尊集舊說不知嬰本即韓氏易傳張氏忠言依據略錄定為原出子夏又不知傳本有記有纂乃以釋文正義所引與集解本併為一談以真薛虞記本為亦出永嘉以後好事者所為糾亂混淆殊少識別今刺取經典敍錄以下迄於近代之作條其要略具論於篇或得或失庶可考焉○經典釋文敍錄子夏易傳三卷卜商字子夏衛人孔子弟子魏文侯師七略云漢興韓嬰傳中經簿錄云丁寬作張璠云或駢臂子弓所作薛虞記虞不詳何許人○**按**子夏易傳猶子夏詩序漢書藝文志云毛公之學自謂子夏所傳可互證中經簿錄引或云丁寬作張璠云或駢臂子弓作並據駢臂記本而言虞本不題韓嬰又其書增多二卷故疑之也丁寬易家之始師其書有八篇於事相應駢臂子弓又丁易所自出是以展轉相附虞不詳何詳人韓詩有薛君章句疑薛漢之後○隋書經籍志周易二卷魏文侯師卜子夏傳殘闕梁六卷○**按**周易正義卷首第八論云子夏傳易雖分上為下二篇未有經字上下二篇即隋志二卷之本舊唐書經籍志云周易二卷卜商傳唐時收入祕閣亦是本也經典敍錄云三卷所得似多一卷以音義所據各條求之自屯六二傳如辭也至既濟六四記禍古文作繻凡四十事無一語溢出二篇之外則仍同魏

孔所據本云三卷其傳本分合或不同耳中經簿錄四卷梁七錄作六卷舊本明有二卷之差陸所據乃六卷殘本故三卷魏孔所據是四卷殘本故二卷也薛虞記略見釋文正義所引或疑四卷為單傳本六卷為附記本非是卜子夏傳卜商傳諸題與敘錄說同詳見後○唐會要開元七年三月六日詔子夏易傳近無習者令儒官詳定四月七日劉知幾議曰按漢志易有十三家而無子夏作傳者至梁阮氏七錄始有子夏易六卷或云韓嬰作或云丁寬作然據漢書韓易此下本空一字文苑英華作十似誤補二篇丁易八篇求其符會則事殊疎刺者矣夫以東魯服膺文學與子游同

列西河告老名行將夫子連蹤而歲越于齡時經百代其所著述沈翳不行豈非後來假意先哲亦猶石崇謬稱阮籍鄭璞濫名周寶必欲行深以為疑司馬貞議曰按劉向七略有子夏易傳但此書不行已久今所存多失真本又荀勗中經簿云子夏傳四卷或云丁寬作是先達疑非子夏矣又隋書經籍志云子夏傳殘闕梁六卷今二卷知其書錯謬多矣又王儉七志引劉向七略云易傳子夏金氏祖望子夏易傳跋尾引此文下有二篇二字未審所據當更考韓氏嬰也今題不稱韓氏而載薛虞記又今祕閣有子夏傳薛虞記其質猶略旨趣非遠無益後學不可將帖正經五月五日詔子夏傳遙篇令帖易者停○按子夏之目見於七略中經簿錄今書七志皆有之劉氏謂始阮孝緒七錄殊疏小司馬說稍覈然以荀勗所綴或者一言遂疑西漢舊目為非則詩釋文引衛敬仲作詩序云云亦足以易毛公自謂之語矣薛虞記本不題韓嬰與舊本毛詩傳不題毛字鄭箋不題鄭氏字同例無煩詞費云旨趣非遠無益後學殆亦唐人之見○國史志子夏易傳假託真子夏傳一行所論定然殘闕○按真子夏傳具薛虞記本國史志云一行所論定則彼時虞本已亡矣一行本乃纂輯為之王應麟困學紀聞云洪興祖以一行所纂古子夏傳為正以諸書附著其下為考異釋疑是子夏傳為易纂之一崔憬新義見集解師承辭李鼎祚集解朱震漢上易傳並據是書故其文恆與釋文正義

子夏氏之儒。韓嬰易傳稱子夏視此。劉知幾以為假憑先哲。乃持末拔本之言。洪氏之識勝劉遠矣。程迥古占法。子夏易傳京房為之。箋先儒疑非卜商也。近世有陋儒用王弼本為之注。鄙淺之甚。○**按**程氏云京房為之。箋亦據一行本而言。朱震漢上易叢說云。孟喜京房之學。其書概見於一行所集。大約皆自子夏傳而出。知一行易纂以孟京申子夏也。漢上易傳解七日來復。引子夏傳。又引京房義為證。疑即本之於彼。○王應麟漢藝文志攷證子夏易傳不著錄。○**按**漢志易類有韓氏二篇。是已著錄矣。云不著錄者。蓋未達七略之語。且惑於衆說也。○趙汝樸周易輯聞。易家有子夏傳。先儒多引以斷疑。雖於其書不於其人。然亦不容不辨。蓋由隋志以為卜商故。後人承而弗察。信之者以為京房為之。箋疑之者以為近世人。以王弼本冒為之傳。世有兩書。今觀諸儒所用二書中語。皆不類洙泗氣象。縱微後人冒作。亦決非卜商之書。孫坦疑子夏傳為杜子夏之學。按杜欽杜鄴與鄧彭祖王商萬章禽慶。慶皆字子夏。二杜於易未聞師授。孫氏之論。尚為可疑。惟彭祖傳梁邱之學。如以子夏為彭祖。猶有彷彿。以為欽鄴則無所依據。○**按**杜欽杜鄴與鄧彭祖王商萬章禽慶。皆字子夏。明不當漫指其一。云鄧祖猶有彷彿。則杜鄴引明夷何獨無彷彿哉。○朱氏纂尊經義考。孫坦疑是杜鄴。徐幾趙汝樸疑是鄧彭祖。蓋兩人俱字子夏也。然釋其文義。總不類漢人文字。并不類唐人文字。謂為張弧所作。恐非今本。○**按**鄙淺之甚。程迥已言之。崇文總目云十卷篇第略依王氏。非今本而何。○金氏祖望子夏易傳跋尾。今所行十一卷。固屬贗本。即七略以來之書。亦依託耳。孫坦周易折蘊。欲以漢之杜子夏當之。書錄解題謂其無據。夫以韓曰丁曰。僻其見於前人者。尚難審定。况臆度耶。

○**按**漢書藝文志。劉向校經傳諸子詩賦。每一書已。向輒條其篇目。撮其指要。錄而奏之。劉向親見本書。又其時涿郡之徒。尚有傳說。故能言之鑿鑿。如此中經簿錄。稱或說明。非其比矣。金氏不考本末。乃混涇渭為一源。八詳虞